

**Pineqaatissinneqarsimasunut inissiisarfinni unioqutitsinernut
pineqaatissiissutit unioqutitsinerillu pillugit suliat suliarineqartarnerat pillugu
nalunaarut**

Pinerluttulerineq pillugu inatsimmi § 228, imm. 6 aamma § 245, imm. 4, tak. inatsit nr. 306, 30. april 2008-meersoq naapertorlugit makku aalajangersarneqarput:

§ 1. Unioqutitsinernut pineqaatissiissutit killisiuinernulluunniit inissiffissiap inissitanut atorneqarnerat pinerluttulerineq pillugu inatsimmi §§ 226-228-mi maleruaqqusat nalunaarullu manna malillugu pissapput.

Akiliisitaaneq

§ 2. Akiliissutissaq inissitap sapaatip akunnerani ataatsimi sulisitaanerminut nalinginnaasumik aningaasarsiaanut naapertuuttumik annertussuseqassaaq aningaasarsianit imminut atugassanut matussutissat ilanngaatigalugit.

Imm. 2. Akiilitsinermut atatillugu akiligassap qaqugu akilerneqarnissaa aalajangersarneqassaaq.

Imm. 3. Inissiiffiup inassuteqarneratigut Pinerluttunut Isumaginnittoqarfiup pisortaa aalajangersimasumik nalileereernerminingorna akiliissutissap akilersorneqarnera pinerluttulerinerminingorna inatsimmi § 228, imm. 1, oqaaseqatigiit aappaat naapertorlugit sapaatip akunneri aqqaneq marluk tikillugit sivisussusilimmik agguataarneqarnissaa pillugu aalajangiisinnavaoq, inissitaq inissinneqarnerminingorna nalaani nammineq inigisaminut akiliuteqartarpat. Aamma akiliutissat akilersorneqarnissaa sapaatip akunneri arfineq marluk tikillugit sivisussusilimmik agguataarneqarnissavaoq, taamaalilluni pineqartoq siusinnerusukkut akiligassami akilernissaannut periarfissaqarsinnaaqqullugu, tamatumalu peqatigisaanik naammaginatut aningaasanik atugassaqarsinnaaqqullugu.

Aneernissamut akuerineqarnerup atorunnaarsinneqarnera

§ 3. Aneersinnaanerup atorunnaarsinnera ilaatigut ima ilusilerneqarsinnaavaoq sumilluunniit siunertaqarluni aninissaq, assersuutigalugu sulisitaanissamut atatillugu imaluunniit inunnut aalajangersimasunut pulaarnissaq siunertaralugu aninissaq apeqqutaatinnagu anisinnaaneq atorunnaarsinneqarluni, ilaatigullu ullut anisinnaaneq unnukkulluunniit anisinnaaneq atorunnaarsinneqarluni.

Imm. 2. Imm. 1-imi atorunnaarsitsinerup taaneqartup sivisussusissaa aalajangerneqassaaq aalajangersumik piffissaatitamut sapaatip akunneri aqqaneq marluk qaangerneqarsinnaanatik. Piffissap taassuma ingerlanerani eqqartuunneqartoq aneersinnaanerup atorunnaarsinneqarneranik kinguneqaataasussamik nutaamik unioqutitsippat piffissap aneersinnaanerup siusinnerusukkut atorunnaarsinneqartup naanerani piffissamik nutaamik sapaatip akunneri aqqaneq marluk angullugit sivisussusilimmik aalajangersaasoqarsinnaavaoq.

Apersuinerminingorna inissiamut kisimiittitaallunilu inissiamut inissiineq

§ 4. Pinerluttulerinermi inatsimmi § 228, imm. 4 malillugu apersuinermi inissiamut inissiineq misissuinermi piffissamit pisariaqartinneqartumit sivisunerussanngilaq aammalu sivisunerpaamik ullunik unnuanillu pingasunik sivisussuseqassalluni.

Imm. 2. Piffissami inissitap apersuinermi inissiamut inissinneqarfiani kisimiititaalluni inissiamiitinneqarnerup naammassineqarnera ilanngaatineqassaaq.

§ 5. Inissitat apersuinermi inissiamut kisimiititaalluniluunniit inissiamut inissinneqartut pinerluttulerinermi inatsimmi §§ 2010-213-imi maleruaqqusat aammalu sulisitaaneq pillugu nalunaarut malillugit sulisitaasinnaatitaallunilu sulisitaanissaminut pisussaataaavoq.

Imm. 2. Aammattaaq inissitap pinerluttulerinermi inatsimmi §§ 206 aamma 207, imm. 3 malillugit naalagiartuni peqataasinnaatitaallunilu silami aneersinnaatitaavoq.

Imm. 3. Inissitap apersuinermi inissiamut imaluunniit immikkut immikkoortortami isersimaartarfimmi kisimiititaalluni inissiamut inissinneqartillugu nammineq pigisanik nassarsinnaaneq inissiisarfimmit killilersorneqarsinnaavoq. Taamaattorlu ullut arfineq marluk sinnerlugit inissiineq eqqarsaatigalugu inissiisarfimmi inissaqassuseq imaluunniit isumannaallisaanermi immikkut eqqumaffiginiagaqarluni aalajangersimasumik tunngavilersuutigineqarpata aatsaat killilersuutinik aalajangersaasoqarsinnaavoq.

Imm. 4. Kisimiititaalluni inissiamut inissiinermut atatillugu pisuni ataasiakkaani pissutsit immikkut ittut tunngavissaqalersippasuk allanik killilimmik peqateqarnissamut inissiisarfik akuersissuteqarsinnaavoq.

Imm. 5. Inissiinerup aallartinnerani unitsinneqarneranilu ullut nalunaaquttallu qanoq ilineri allakkiarineqassapput.

§ 6. Ullunik unnuanillu pingasunit sivisunerusumik kisimiititaalluni inissiamut inissiinissaq aalajangerneqarpat tamanna pillugu inissiisarfik Pinerluttunut Isumaginnittoqarfiup pisortaanut ingerlaannartumik nalunaaruteqassaaq, taassuma kisimiititaalluni inissiamut inissiinerup ingerlatiinnarneqarnissaa akuersissutigissallugu. Nalunaarutip imarissavaa aalajangiinermi tunngavilersuut erseqqinnerusoq aammalu § 5, imm. 5 naapertorlugu allakkiap nuutinnera ilanngunneqassalluni.

§ 7. Apersuinermi inissiamut inissiinissaq pillugu inissiisarfiup pisortaa imaluunniit tamatumunnga piginnaatitaa aalajangiisaaq.

Imm. 2. Pisuni ataasiakkaani pissutsit pissutaallutik imm. 1 malillugu inuup piginnaatitaasup aalajangiinissaa utaqqineqarsinnaatinnagu sulisoq alla aalajangiisaaq. Pisuni taamaattuni imm. 1 malillugu inuk piginnaatitaasoq pisut pillugit piaartumik nalunaaruteqassaaq.

Imm. 3. Inissiinermut tunngavilersuutaasoq pillugu inissitat sapinngisamik piaartumik ilisimatinneqassaaq aammalu suliaq pillugu oqaaseqaateqarnissaminut periarfissinneqassalluni.

Unioqqutitsinerit pillugit suliat suliarineqartarnerat

§ 8. Unioqqutitsineq pinerluttulerinermi inatsimmi tamanna pillugu aalajangersakkat malillugit allatut iliuuseqarnissamut tunngavissiippat, tamatumani taarsiissuteqarnissaaq arsaarinnissuteqarnissarlu pinnagit, unioqqutitsineq pillugu aatsaat pineqaatissiisoqarsinnaavoq tamanna torersumik pissuseqarnissamut isumannaatsuunissamullu pisariaqartutut aalajangiisuutinneqarpat.

§ 9. Unioqutitsinerit pillugit suliat sapinngisamik piaartumik suliarineqassapput.

§ 10. Suut nalunaarutigineqarnersut inissitamut paasitineqassapput ataatsimullu isigalugu killisiuisoqarsimappat taakkunani suut oqaatigineqarnersut pillugu ilisimatineqassalluni. Inissitaq suliami oqaaseqaateqarnissaminut periarfissinneqassaaq.

Imm. 2. Inissitaq najuutsillugu aalajangiisoqartassaaq. Inissitap najuunnissani kissaatiginnippagu unioqutitsinerit pillugit suliaq pineqartoq najuutsinnagu ingerlanneqarsinnaavoq. Taamaattoqartillugu inissiiffik qanoq aalajangiilersaarnersog aammalu pineqartup oqaaseqaateqarnissaminut periarfissaqarnera pillugit allakkatigit ilisimatineqassaaq.

Imm. 3. Killisiuinerit inissiisarfimmi sulisunit marlunnit ingerlanneqassapput.

Imm. 4. Killisiuinerup aallartinneqarnerani suliap suliarineqarneranut atatillugu inissitaq pisinnaatitaaffini pillugit ilisimatineqassaaq, tassunga ilanngullugit

- 1) suliap suliarineqarnerani qanoq ilinikkulluunniit allanit illersorneqarnissamut pisinnaatitaaffeqarneq, tak. pisortat ingerlatsineranni suliat suliarineqartarnerat pillugu inatsimmi § 8,
- 2) takussutissanik killisiuinermut tunngavigineqartunik takunnissinnaatitaaneq, tak. pisortat ingerlatsineranni suliat suliarineqartarnerat pillugu inatsimmi kapitali 4,
- 3) aalajangiisoqannginnerani oqaaseqarsinnaatitaaneq aammalu tamanna inissitap oqaaseqarnissaanut pisussaaffiliinngitsoq, nassuiaamma issuarneqarnerata akuerinissaanut pisussaataaanginneq,
- 4) tak. § 11, imm. 1, oqaaseqatigiit aappaat aammalu
- 5) allakkiap § 11 naapertorlugu suliarineqartup nuutinneranik qinnuteqarnikkut tunineqarsinnaatitaaneq, tak. § 13.

§ 11. Unioqutitsinernik suliat suliarineqarnerat pillugu allattuivimmi immikkut ittumi allakkiortoqassaaq. Allakkiaq inissitamit akuerineqarsinnaassasunngorlugu oqaasertalersorniagaassaaq.

Imm. 2. Allakkiap makku imarissavai

- 1) suut nalunaarutigineqarnerannik issuakkat,
- 2) nassuiaateqartup najuunnerani nassuiaatit allattuivimmut ilanngunneqartussat issuarneqarnerat,
- 3) aalajangersakkat unioqutinneqartut pillugit paasissutissat,
- 4) aalajangiinermi tunngavigineqartut pillugit paasissutissat erseqqinnerusut,
- 5) suliap suliarineqarnerani sukkulluunniit allanit illersorneqarsinnaatitaanermik aamma suliami allagaatnik paasitineqarsinnaatitaanermik killilersuutaasinnaasut pillugit paasissutissat, tak. § 10, imm. 4, nr. 1 aamma 2,
- 6) aalajangiineq pillugu paasissutissat,
- 7) pisortat ingerlatsineranni suliat suliarineqartarnerat pillugu inatsimmi § 24-mi piumasaqaatit naammassineqarnerannik tunngavilersuut,
- 8) aalajangikkap inissitamut nalunaarutigineqarnerata ullua nalunaaqutaalu pillugit paasissutissat,
- 9) Pinerluttunut Isumaginnittoqarfiup pisortaanut naammagittaalliuteqarnissamut periarfissaq pillugu inissitap ilisimatineqarneranik paasissutissat,

- 10) naammagittaalliuuteqarnissamut piffissarititaasoq pillugu inissitap ilisimatinneqarneranik paasissutissat, tak. pinerluttulerinermi inatsimmi § 245, stk. 4.
- 11) killisiuinerup nalaani inissitaq najuunnersoq pillugu paasissutissat, aamma
- 12) allakkiaq inissitamit akuerineqarnerasoq pillugu paasissutissat.

Imm. 3. Aammattaq aalajangigaq pinerluttulerinermi inatsimmi § 246, imm. 1, nr. 3-mi ilaatinneqartoq pineqartillugu allakkiap aamma imarissavai aalangiussap eqqartuussivimmi misilinneqartussatut suliasannngortinneqarnissaanut periarfissaq pillugu inissitap ilisimatinneqarneranik paasissutissat.

§ 12. Unioqutitsinerit pillugit suliani mianersoqqusinissaq akiliisitsinissarlunniit kisiisa pineqartillugit inissitaq najuutsinnagu suliaq suliarineqarsinnaavoq unioqutitsineq paasineqareersimappat imaluunniit suliami pissutsit tamakkiisumik qulaajarneqartutut isigineqarsinnaappata. Aammattaq inissitaq najuutsinnagu suliap suliarineqarnissaanut pineqartup suliami oqaaseqarnissaminut kissaateqannginnissaa tunngavissaatinneqarpoq.

Imm. 2. Inissitaq allakkatigut makku pillugit nalunaarfigineqassaaq,
1) inissiiffik qanoq aalangiilersaarnersoq, aamma
2) pineqartoq suliami oqaaseqarnissaminut periarfissaqartoq.

Imm. 3. Allakkiamik paasissutissanik § 11, imm. 1 aammalu imm. 2, nr. 1, 3, 6 aamma 8-10 taaneqartunik imalimmik suliarinnittoqassaaq. Tamatuma saniatigut inissiisarfik qanoq aalangiilersaarnersoq aammalu inissitaq oqaaseqarnissaminut periarfissaqartoq pillugit inissitap allakkatigut nalunaarfigineqarnera pillugu paasissutissanik allakkiaq imaqaassaaq.

§ 13. Inissitap qinnuteqarneratigut allakkiap § 11 aamma § 12, imm. 3-mi taaneqartup nuutinera tunniunneqassaaq.

Imm. 2. Inissitap imaluunniit inuit allat pisortalluunniit soqutigisaannut, assersuutigalugu inissiiffiup isumannaatsuunissaa imaluunniit inunnik ataasiakkaanik illersuinissaq eqqarsaatigalugu inissitap imminut iluaqutissami isumaginissaanut allakkiamik atuisinnaanermik soqutiginninnera aalangiisuutinneqartussatut isigineqarsinnaappat suliamut tunngasunik takunnissinnaatitaaneq pisortat ingerlatsineranni suliat suliarineqartarnerannut inatsit naapertorlugu killilerneqarsinnaavoq.

Imm. 3. Pisortat ingerlatsineranni suliat suliarineqartarnerannut inatsimmi maleruaqqusat malillugit suliamut tunngasunik illuatungerisaq allagaatinik paasitinneqarsinnaatitaanngippat illuatungerisaq tusarniarneqassanngilaq.

Atuutilerfia

§ 14. Nalunaarut manna ulloq 1. januar 2010 atuutilerpoq.

Kalaallit Nunaanni Pinerluttunut Isumaginnittoqarfik, ulloq 7. december 2009

THOMAS NICOLAJSEN